

Geagte Ouer(s)/Wettige Voog(de)

U moet die Skoolfondsvorms Aanhangsels A en B van hierdie skrywe vir verdere inligting hou, maar moet asseblief Aanhangsel C volledig voltooi, onderteken en in persoon na die skool terugbring.

Hierdie skrywe bevat **baie belangrike inligting** en u as ouer(s)/wettige voog(de) moet dit **baie noukeurig deurlees**, die onderneming gemerk Aanhangsel C **volledig voltooi**, onderteken en voor/op **Maandag, 6 November 2023**, in persoon na die skool terugbring.

- 1.1 'n **Aparte** vorm moet **vir elke kind verbonde aan Hoërskool De Aar** voltooi word. Versuim om die vorm betyds in te dien, sal tot gevolg hê dat u kind **nie op 17 Januarie 2024 tot Hoërskool De Aar toegelaat sal word nie weens onvoltooide dokumentasie**. Ons kan nie ons stelsel opdateer sonder u samewerking in hierdie verband nie. **Dit sluit die bewys van woonadres in, nie ouer as 6 maande nie**. **Die inligting op Aanhangsel B bevat wetlike aspekte wat baie sorgvuldig bestudeer moet word**.
- 1.2 **Die skoolfonds vir 2024 is as volg:**
- 1.2.1 Die skoolfonds vir 2024 beloop R13 950.00 per jaar per leerder, en die volle skoolfondsbedrag is vooruit betaalbaar voor/op 28 Februarie 2024. Die Beheerliggaam is egter bereid om u tegemoet te kom met afbetaling soos per die opsie hieronder uiteengesit.
- 1.2.2 Die NKOD het in 2023 slegs R22 936.00 vir handboeke en skryfboeke voorsien, R21 661.00 vir fotostate (papier) en R0.00 vir ander kopieërwark. Volgens die skool se begroting vir 2024, beloop hierdie bedrag R15 000.00 vir handboeke, R 26 000.00 vir skryfboeke, R28 500.00 vir fotostate (papier) en R50 000.00 vir ander kopieërwark. Die totale begrote uitgawe daarvoor is R119 500.00 teenoor 'n toekenning van R44 597.00. Om die Beheerliggaam in staat te stel om u kind van dag een te voorsien met hierdie broodnodige materiaal, **is die eerste skoolfondspaaielement van R1 395.00 verpligtend vir almal en betaalbaar VOOR/OP 17 Januarie 2024, ONGEAG DIE BETALINGSOPSIE WAT U UITOEFEN**. **Maak asseblief reeds in 2023 voorsiening vir hierdie eerste verpligte paaielement indien nodig**.
- 1.2.3 **Alle uitstaande skoolfonds vir die res van die jaar** (d.w.s. R13 950.00 – R1 395.00 betaalbaar voor/op 17 Januarie 2024 = R12 555.00), is betaalbaar **VOOR/OP 28 Februarie 2024 (m.a.w. die betaling moet in die skool se boeke verskyn VOOR/OP 28 Februarie 2024)**. Indien u **VOOR/OP 28 Februarie 2024** u totale skoolfonds vereffen, kry u korting van R300.00, d.w.s. R12 255.00 in totaal betaalbaar **VOOR/OP 28 Februarie 2024 (m.a.w. die betaling moet in die skool se boeke verskyn VOOR/OP 28 Februarie 2024)**.  
**EENMALIGE OPSIE lyk dus soos volg: Betaalbaar in 2 (twee) dele:**  
**R1 395.00 VOOR/OP 17 Januarie 2024 (dit geld vir ALMAL, ook dié wat hierdie opsie kies), en**  
**R12 255.00 VOOR/OP 28 Februarie 2024 (m.a.w. die betaling moet in die skool se boeke verskyn VOOR/OP 28 Februarie 2024)**.
- 1.2.4 Die volgende metode van **afbetaling** sal deur die Beheerliggaam aanvaar word vir die **oorblywende deel** van die skoolfonds (d.w.s. R13 950.00 – R1 395.00 betaalbaar voor/op 17 Januarie 2024 = R12 555.00) indien daardie opsie deur u uitgeoefen is:  
Nege gelyke **maandelikse paaielemente** van R1 395.00 (R13 950.00 – R1 395.00 betaalbaar voor/op 17 Januarie 2024 = R12 555.00 ÷ 9 maande) betaalbaar vanaf u salaris in **Januarie 2024** tot u salaris in September 2024, d.w.s. voor/op die 7de van die volgende maand. **Die totale skoolfonds moet teen 7 Oktober 2024 ten volle betaal wees**. (Die oorhandigingsproses vir agterstallige skoolfonds van 90 dae of meer, geld nog steeds en kry voorkeur).  
**MAANDELIKSE OPSIE lyk dus soos volg: Betaalbaar in 10 (tien) dele, maar oor 9 (nege) maande.**  
Januarie 2024: **R1 395.00 VOOR/OP 17 Januarie 2024 (maak reeds in 2023 voorsiening indien nodig), en**  
**R1 395.00 uit u Januarie 2024 salaris (nie later as 7 Februarie 2024 nie), d.w.s.**  
**R2 790.00 in totaal vir Januarie 2024.**  
Februarie 2024: **R1 395.00 uit u Februarie 2024 salaris (nie later as 7 Maart 2024 nie).**  
Maart 2024: **R1 395.00 uit u Maart 2024 salaris (nie later as 7 April 2024 nie).**  
April 2024: **R1 395.00 uit u April 2024 salaris (nie later as 7 Mei 2024 nie).**  
Mei 2024: **R1 395.00 uit u Mei 2024 salaris (nie later as 7 Junie 2024 nie).**  
Junie 2024: **R1 395.00 uit u Junie 2024 salaris (nie later as 7 Julie 2024 nie).**  
Julie 2024: **R1 395.00 uit u Julie 2024 salaris (nie later as 7 Augustus 2024 nie).**  
Augustus 2024: **R1 395.00 uit u Augustus 2024 salaris (nie later as 7 September 2024 nie).**  
September 2024: **R1 395.00 uit u September 2024 salaris (nie later as 7 Oktober 2024 nie).**

## Skoolfonds Aanhangsel A – 2024 – vervolg

- 1.2.5 Sodra u rekening in enige stadium gedurende die jaar ‘n **90 (negentig) dae, met ander woorde 3 (drie) maande, uitstaande posisie** bereik, sal u **oorhandig word** vir die uitstaande skoolfonds vir die **RES van die jaar**. **Indien u nie die Beheerliggaam se vergunning vir afbetaling respekteer nie, sal u u opsie vir afbetaling verbeur, en sal die volle uitstaande skoolfondsbedrag vir die RES VAN DIE JAAR aan die prokureurs oorhandig word. Die oorhandigde bedrag vir die RES VAN DIE JAAR, TESAME met die prokureurs se kostes en rente, moet dan by die prokureurs betaal word, en NIE by die skool nie.**
- 1.2.6 **U as ouer(s)/voog(de) besluit self hoe u gaan betaal. Die keuse wat u hier gaan uitoefen, sal bindend wees vir opvolgdoeleindes. (SKOOLFONDS IS VOORUITBETAALBAAR.) 2% Rente per maand op saamgestelde bedrae sal gehef word vanaf 1 Februarie 2024 (30 [dertig] dae agterstallig). Rente word bereken van die eerste dag van die maand tot die laaste dag van die maand, en word op die eerste werksdag van die volgende maand op u rekening bygevoeg. Indien u ‘n betaling teen die einde van die maand gedoen het, maar die betaling word eers in die volgende maand in die skool se bankrekening ontvang, sal rente vir die agterstallige maand(e) bygevoeg word. Maak asseblief seker dat u betyds betaal.**
- 1.2.7 **SKOOLFONDS IS VERPLIGTEND EN AFDWINGBAAR. DIT IS U VERANTWOORDELIKHEID OM MAANDELIKS U SKOOLFONDSREKENING TE KONTROLEER EN SEKER TE MAAK U REKENING IS OP DATUM BETAAL – INSLUITEND OKTOBER.**
- 1.2.8 **DIE SKOOL SE BANKBESONDERHEDE:**  
**ABSA, De Aar, takkode 632005, tjekrekeningnommer 1850 390 173, verwysing: U skoolfondsrekeningnommer (regs bo op u skoolfondsrekening), leerder se naam en van, leerder se graad.**

### 2. INVORDERING VAN SKOOLFONDS

- 2.1 U is bewus daarvan dat skoolfonds by Hoërskool De Aar afdwingbaar is, tensy u kwalifiseer vir volle vrystelling. Beskou hierdie skrywe as **skriftelike kennisgewing** dat u geregtig is om aansoek te doen vir **moontlike** vrystelling van skoolfonds. Vorms wat **U PERSOONLIK** moet aphaal vir onmiddellike voltooiing, is vanaf 6 November 2023 tot 13:00, Maandag tot Vrydag, by me. Myburgh beskikbaar. Die **VOLLEDIG voltooide dokumentasie** moet die skool voor/op 16 Februarie 2024 bereik. **GEEN SKOOLFONDSVRYSTELLINGS SAL GEDURENDE JANUARIE 2024 HANTEER WORD NIE.**
- 2.2 Sodra u rekening in enige stadium gedurende die jaar ‘n **90 (negentig) dae, met ander woorde 3 (drie) maande, uitstaande posisie** bereik, sal die proses met betrekking tot invordering in werking gestel word. (Sien aangehaalde gedeelte – paragraaf 5 – Aanhangsel B). Alle wetlike voorskrifte sal uitgevoer word tot en met die oorhandiging van u rekening aan ons regsvertegenwoordigers. **Dit is u verantwoordelikheid om die skool, met die nodige bewyse, te kontak indien u met die rekening verskil. Indien u nie u betalings kontroleer en dadelik met die skool nagaan nie, kan die skool nie verantwoordelik gehou word vir die oorhandiging van agterstallige skulde aan die prokureurs nie. U sal dan ook verantwoordelik wees vir die betaling van die prokureurskoste en rente.**
- 2.3 Sodra hierdie proses begin is, sal **GEEN** skriftelike of telefoniese reëlings óf beloftes aanvaar word nie. Tref dus reeds in Januarie 2024 die nodige **SKRIFTELIKE** reëlings vir die gereelde betaling van u kind(ers) se skoolgeld om oorhandiging te voorkom. Rig u skrywe aan: Die Skoolhoof, Hoërskool De Aar.
- 2.4 **Aangesien u hierdie dokument onderteken, verklaar u dat u die inhoud hiervan verstaan, en erken u ook ontvangs hiervan.** Vir enige verdere navrae of onduidelikheid, kontak me. Myburgh by 053 - 631 3691 of besoek haar Maandag tot Vrydag tot 13:00 by die skool.

### 3. PERSOONLIKE BESONDERHEDE

- 3.1 U word versoek om die skool **onmiddellik in kennis te stel sodra u kontakbesonderhede en woonadres verander.** Dit sal nie net verseker dat ons u in noodgevalle kan kontak nie, maar ook sodat u u skoolfondsrekening kan ontvang en betalings daarteen kan kontroleer.
- 3.2 Die skoolfondsvorm Aanhangsel C **MOET BEIDE** biologiese ouers/voogde se inligting bevat, en deur **BEIDE** biologiese ouers/voogde geteken word. Onvolledige vorms sal nie aanvaar word nie, dus versoek ons u om seker te maak dat die vorm **volledig** is, en dat die **bewys van woonadres (nie ouer as 6 maande nie) aangeheg** is.

### 3.3 BELANGRIKE KENNISGEWING:

**Die skoolfondsrekeninge word maandeliks PER E-POS AAN AL DIE OUERS gestuur. Maak asseblief seker dat u e-posadres(se) op die skoolfondsvorm verskyn, asook dat dit LEESBAAR en KORREK is. Maak asseblief ook seker dat u elke maand u skoolfondsrekening per e-pos ontvang. Alternatiewelik kan u ‘n rekening by die skool aphaal. DIT BLY U VERANTWOORDELIKHEID OM OP DATUM TE BLY.**

**4. WENKE OM U FINANSIËLE POSISIE TE VERBETER EN SKOOLFONDSBETALINGS OP DATUM TE HOU**

Ons is terdeë bewus daarvan dat elke ouer/voog graag die beste vir sy/haar kind wil gee. Daarom is dit belangrik om noukeurig en oordeelkundig te beplan, en sodoende goeie verhoudings te bou. Die ondergenoemde wenke is ter aanvulling van u kind se opvoeding en toekoms.

- 4.1 Maak seker dat u elke maand vanaf Januarie tot September u skoolfondsrekening kry, en **kontroleer of u betalings op die rekening verskyn.**
- 4.2 **Dit is u verantwoordelikheid om die skool, met die nodige bewyse, te kontak indien u met die rekening verskil.**
- 4.3 Indien u nie betyds die skool vir betaling kan besoek nie, teken 'n aftrekorder by u bank. Die eerste aftrekking (2de paalement) moet reeds vanaf u Januarie salaris wees sodat u rekening nie agterstallig raak nie.
- 4.4 Alternatiewelik, laai 'n herhalende begunstigdebetaling (recurring/future dated payments) op u internetbankdienste.
- 4.5 **Maak asseblief seker dat u skoolfondsrekeningnommer as verwysing op die skool se bankstaat verskyn.**
- 4.6 Maak seker dat die aftrekking wel op u bankstaat betaal is, en nie as onbetaald teruggestuur is nie.
- 4.7 Indien u 'n meevaller/bonus ontvang, kan dit finansiële verligting bring indien u dit algeheel/gedeeltelik vir skoolfonds aanwend.
- 4.8 Stel 'n begroting op vir u inkomste en uitgawes, en dissipleneer uself om daarby te hou.
- 4.9 Gaan u begroting gereeld na, en verminder onnodige uitgawes.
- 4.10 Beplan vooruit en maak voorsiening vir groot toekomstige uitgawes.
- 4.11 Indien u u skoolfondsrekening betyds betaal, kan u baie bespaar op rente en oorhandigingskoste.
- 4.12 Minimum oorhandigingskoste beloop tans soos volg (maar is nie beperk tot):  
Instruksiefooie +- R345.00, dagvaardiging tussen R300.00 en R900.00, baljukoste: R250.00 – R500.00 per besoek, vonnis R441.00, Artikel 65a2 brief: R89.20, balju betekening vir hofverskyning R250.00 en sertifikaat R81.65, Artikel 65a1: R500.00 – R700.00, aanbodvorm +/- R139.72, lasbrief vir verkoping van bates +/- R301.30, besoldigingsbeslagbevel R232.30 en sertifikaat R81.65 en rente.

**Skoolfonds Aanhangsel B - 2024****5. FINANSIËLE HULP SKOOLFONDS - HOËRSKOOL DE AAR**

Hierdie afdeling bevat **baie belangrike inligting** en u as ouer of wettige voog moet dit **baie noukeurig deurlees**, die erkenning van ontvangs gemerk op Aanhangsel C voltooi en voor/op **Maandag, 6 November 2023, in persoon** na die skool terugbring.

“ 'n Ouer of wettige voog is aanspreeklik vir die betaling van skoolgeld ingevolge Artikel 39, tensy en tot die mate waarin hy of sy van betaling vrygestel is kragtens die Suid-Afrikaanse Skolewet 84 van 1996.

'n Openbare skool kan die betaling van skoolgelde deur ouers, wat ingevolge Artikel 40 daarvoor aanspreeklik is, deur regsproses afdwing, nadat dit vasgestel is dat die ouer nie ingevolge die Wet kwalifiseer vir vrystelling van betaling van skoolgelde nie.

'n Openbare skool kan optree indien:

- (a) die skool bewys kan verskaf van 'n skriftelike kennisgewing aan die ouer wat per hand of geregistreerde pos\* gelewer is en dat die ouer versuim het om vir vrystelling aansoek te doen\*\* soos in Artikel 39 beoog, en
- (b) ondanks die kennisgewing in paragraaf (a) beoog, die ouer versuim om die skoolgelde te betaal\*\*\* na 'n tydperk van drie maande na datum van kennisgewing.”

\* insluitend SMS'e

\*\* of dat die aansoek afgekeur is of gedeeltelik goedgekeur is

\*\*\* insluitend afgekeurde aansoeke of aansoeke wat gedeeltelik goedgekeur is

**DUS**, indien u finansiële bystand verlang, moet u van die volgende belangrike inligting kennis neem:

- 5.1 Daar moet vir elke nuwe skooljaar aansoek gedoen word.
- 5.2 **Slegs ouers of wettige voogde (soos per toelatingsaansoekvorms) kan 'n skrywe aan die voorsitter van die SBL rig waarin hulle aansoek doen om vrystelling van skoolfonds.** Dit kan beteken algehele, gedeeltelike, voorwaardelike of geen vrystelling.
- 5.3 U moet die aansoekvorms **persoonlik by me. Myburgh se kantoor afhaal waar u 'n kontrolelys moet voltooi en teken. GEEN** vorms sal vir die leerder(s) of ander partye gegee word nie. Om u privaatheid te beskerm en onverdeelde aandag vir u aansoek te ontvang, word u versoek om me. Myburgh vooraf te kontak vir 'n afspraak. **GEEN SKOOLFONDSVRYSTELLINGS SAL GEDURENDE JANUARIE 2024 HANTEER WORD NIE.**
- 5.4 Departementele vorms (Bylae A, B en C) sal dan **aan u persoonlik** voorsien word, asook 'n vrystellingsaansoekvorm. Voormelde vorms moet **VOLLEDIG** voltooi word, en **vergesel word deur al die nodige stawende dokumentasie.**
- 5.5 U vrystellingsaansoek sal as onvolledig beskou word indien **beide biologiese ouers se inligting NIE** die aansoek vergesel nie, ongeag of die ouers geskei of vervreem is, of nooit getroud is nie, 'n ouer onderhoud betaal of ontvang, 'n ouer nie meer kontak met die ander ouer het nie of wat die omstandighede dalk andersins is.
- 5.6 Die SBL kan nie onvolledige aansoeke afhandel nie. U is persoonlik verantwoordelik vir die afhaal, voltooiing en indiening van u aansoek. Dit is dus **baie belangrik dat u die aansoekvorms NOUKEURIG** deurlees, en verseker dat u die aansoek **VOLLEDIG** indien. **GEEN** onvolledige aansoeke sal ingeneem word nie. **Aansoeke mag nie deur die leerder(s) of ander partye afgelewer word nie. Die skool aanvaar geen verantwoordelikheid vir aansoeke wat nie deur uself ingedien word nie. U moet self u VOLLEDIGE** aansoek indien en daarvoor teken op die kontrolelys hierbo gemeld.
- 5.7 **VOLLEDIGE** aansoeke moet **nie later nie as VRYDAG, 16 Februarie 2024, by Hoërskool De Aar ingedien word.** Aansoeke moet verwerk word vir bespreking op die Finansiële Komitee en die SBL se vergaderings. Dit is dus noodsaaklik dat u u aansoek betyds indien. **GEEN SKOOLFONDSVRYSTELLINGS SAL GEDURENDE JANUARIE 2024 HANTEER WORD NIE.**
- 5.8 Indien u nie u VOLLEDIGE aansoek betyds indien nie, en versuim om skoolfonds te betaal, sal die oorhandigingsproses gevolg word.
- 5.9 Die SBL sal u aansoek ondersoek en u binne 30 (dertig) dae skriftelik van hul besluit verwittig.
- 5.10 Die oorspronklike vorms bly by die skool en 'n afskrif word aan die Departement van Onderwys gestuur.

### **BELANGRIKE KENNISGEWING:**

**Indien u vir skoolfondsvrystelling wil aansoek doen, MOET Aanhangsel C NOG STEEDS VOLLEDIG VOLTOOI, GETEKEN EN NA DIE SKOOL TERUGGEBRING WORD.** Indien u aansoek vir skoolfondsvrystelling afgekeur of gedeeltelik goedgekeur word, sal u keuse gemerk by paragraaf 6.2 toegepas word.

6. **Voltooi hierdie bladsy VOLLEDIG EN IN DRUKSKRIF**, en bring terug na Hoërskool De Aar voor/op Maandag, 6 November 2023.

**'n Aparte vorm moet vir elke kind verbonde aan Hoërskool De Aar voltooi word.**

LEERDER SE VAN:		GRAAD 2024:
LEERDER SE VOLLE NAME:		

- 6.1 **BESONDERHEDE VAN BEIDE OUERS/WETTIGE VOOGDE/PERSONE wat verantwoordelik is vir die betaling van die kind(ers) se skoolfonds. Hierdie inligting MOET ooreenstem met die dokumentasie en inligting voorsien op die kind(ers) se aansoekvorm vir toelating tot die skool insake die persoon wat verantwoordelikheid vir die skoolfonds aanvaar.**

	MNR	ME
VAN:		
VOLLE NAME:		
ID NOMMER:		
WOONADRES: (Heg bewys aan - VERPLIGTEND) (NIE Hoërskool De Aar NIE)	(Bewys van adres nie ouer as 6 maande nie)	(Bewys van adres nie ouer as 6 maande nie)
POSADRES:		
WERKGEWER SE NAAM:		
WERKGEWER SE ADRES:		
TELEFOON NO WERK:	( )	( )
TELEFOON NO HUIS:	( )	( )
SELFOON NOMMER:		
SEL NO VIR SMS'E:	(Slegs 1 ouer)	(Slegs 1 ouer)
E-POS ADRES: (VERPLIGTEND)		

**VOLLE NAME EN VANNE VAN BROER(S) EN/OF SUSTER(S) BY HOËRSKOOLO DE AAR**

VAN	VOLLE VOORNAME	GEBOORTEDATUM	2024 GRAAD

- 6.2 **Voltooi asseblief die onderstaande (VERPLIGTEND):**

Ek/Ons, ouer(s)/wettige voog(de) soos per paragraaf 6.1 uiteengesit, van leerder soos per paragraaf 6 uiteengesit, onderneem om die skoolfonds vir 2024 soos volg te betaal: (Dui aan met 'n kruisie 'X'.)

<b><u>Maandeliks: NADAT 'n eerste verpligte paaieiment van R1 395.00 voor/op 17 Januarie 2024 betaal is (maak reeds in 2023 voorsiening indien nodig)</u></b> , nog 9 maandelikse paaieimente van R1 395.00 vanaf u salaris in Januarie tot u salaris in September, voor/op die 7de van die volgende maand. Vir hierdie opsie moet die totale skoolfonds teen 7 Oktober 2024 ten volle betaal wees (die oorhandigingsproses is nog steeds van toepassing – verwys na Aanhangsels A en B vir volle besonderhede).
<b><u>Enmalig: NADAT 'n eerste verpligte paaieiment van R1 395.00 voor/op 17 Januarie 2024 betaal is (maak reeds in 2023 voorsiening indien nodig)</u></b> , 'n eenmalige paaieiment van R12 555.00 - R300.00 korting = R12 255.00 <b><u>VOOR</u></b> 28 Februarie 2024. Indien die <b><u>VOLLE</u></b> eenmalige paaieiment nie <b><u>VOOR/OP</u></b> 28 Februarie 2024 betaal is nie, verbeur u die korting (verwys na Aanhangsels A en B vir volle besonderhede), en sal hierdie opsie outomaties na 'n maandelikse opsie verander word.

- 6.3 **ONDERNEMING EN VERKLARING DEUR OUER(S)/WETTIGE VOOG(DE):**

**(U AS OUER(S)/WETTIGE VOOG(DE) IS VERPLIG OM HIERDIE DOKUMENT TE VOLTOOI EN NA DIE SKOOL TERUG TE BRING)**

Ek/Ons, ouer(s)/wettige voog(de) soos per paragraaf 6.1 uiteengesit, van leerder soos per paragraaf 6 uiteengesit, aanvaar hiermee my/ons finansiële verpligtinge teenoor Hoërskool De Aar en onderneem om dit stiptelik uit te voer. Ek/ons verklaar ook dat ek/ons die inhoud van hierdie skrywe, Aanhangsels A, B en C, verstaan, en erken ook ontvangs hiervan.

GETEKEN TE \_\_\_\_\_ (DORP) OP \_\_\_\_/\_\_\_\_/20\_\_\_\_ (DATUM).

\_\_\_\_\_  
HANDTEKENING VAN MNR

\_\_\_\_\_  
HANDTEKENING VAN ME

\_\_\_\_\_  
(DRUKSKRIF - VOORLETTERS EN VAN)

\_\_\_\_\_  
(DRUKSKRIF - VOORLETTERS EN VAN)